

त्प्रा॒मु॒ञ्च॒ता॒ अ॒स्या॒न॒मी॒वा॒ अ॒कि॒ल्वि॒षाः॒ प्र॒जाः॒ प्रा॒जा॒य॒त ॥ ३ ॥ अ॒थ॒ य॒देष॒ ए॒तैश्च॒तु॒-
 र्थे॒ मा॒सि॒ य॒ज॒ते । त॒न्ना॒हु॒ न्वे॒वैत॒स्य॒ त॒था॒ प्र॒जा॒ व॒रु॒णो॒ गृ॒ह्णा॒तीति॒ दे॒वा॒ अ॒कुर्व॒-
 न्ति॒ति॒ न्वे॒वैष॒ ए॒तत्क॒रोति॒ या॒श्च॒ न्वे॒वा॒स्य॒ प्र॒जा॒ ज्ञा॒ता॒ या॒श्चा॒ज्ञा॒ता॒स्ता॒ उ॒भयो॒र्वरु॒-
 ण॒पा॒शात्प्र॒मु॒ञ्च॒ति॒ ता॒ अ॒स्या॒न॒मी॒वा॒ अ॒कि॒ल्वि॒षाः॒ प्र॒जाः॒ प्र॒जा॒य॒ते॒ तस्मा॒द्वा॒ऽएष॒ ए॒-
 तैश्च॒तु॒र्थे॒ मा॒सि॒ य॒ज॒ते ॥ ४ ॥ त॒द्वै॒ द्वे॒ वे॒दी॒ द्वा॒व॒ग्री॒ भव॒तः । त॒द्य॒द्वे॒ वे॒दी॒ द्वा॒व॒ग्री॒ भ॒-
 व॒तस्त॒दु॒भय॒त॒ ए॒वैत॒द्वरु॒ण॒पा॒शात्प्र॒जाः॒ प्र॒मु॒ञ्च॒तीत॒श्चो॒र्धा॒ इ॒तश्चा॒वा॒ची॒स्तस्मा॒द्वे॒ वे॒दी॒
 द्वा॒व॒ग्री॒ भव॒तः ॥ ५ ॥ स॒ उत्त॒र॒स्य॒मि॒व॒ वे॒दी । उत्त॒र॒वे॒दि॒मु॒प॒कि॒र॒ति॒ न॒ द॒क्षि॒ण॒स्यां
 क्ष॒त्रं॒ वै॒ व॒रु॒णो॒ वि॒शो॒ म॒रु॒तः॒ क्ष॒त्र॒मे॒वैत॒द्वि॒श॒ उत्त॒रं॒ क॒रोति॒ तस्मा॒दु॒पर्या॒सीनं॒ क्ष॒-
 त्रि॒य॒मध॒स्ता॒दि॒माः॒ प्र॒जा॒ उ॒पा॒स॒ते॒ तस्मा॒दु॒त्त॒र॒स्य॒मि॒व॒ वे॒दा॒ऽउत्त॒र॒वे॒दि॒मु॒प॒कि॒र॒ति॒ न॒
 द॒क्षि॒ण॒स्याम् ॥ ६ ॥ अ॒थै॒तान्ये॒व॒ प॒ञ्च॒ ह॒वी॒ऽषि॒ भव॒न्ति । ए॒तैर्वै॒ ह॒वि॒र्भिः॒ प्र॒जा॒प॒-
 तिः॒ प्र॒जा॒ अ॒सृ॒ज॒तै॒रु॒भय॒तो॒ व॒रु॒ण॒पा॒शात्प्र॒जाः॒ प्रा॒मु॒ञ्च॒दित॒श्चो॒र्धा॒ इ॒तश्चा॒वा॒ची॒स्त॒-
 स्मा॒द्वा॒ऽए॒तानि॒ प॒ञ्च॒ ह॒वी॒ऽषि॒ भव॒न्ति ॥ ७ ॥ अ॒थै॒न्द्रा॒ग्नो॒ द्वा॒द॒श॒क॒पा॒लः॒ पु॒रो॒डा॒शो॒
 भव॒ति । प्रा॒णो॒दा॒नौ॒ वा॒ऽइ॒न्द्रा॒ग्नौ॒ त॒द्य॒था॒ पु॒ण्यं॒ च॒क्रु॒षे॒ पु॒ण्यं॒ कुर्या॒दे॒वं॒ तत्त॒योर्ह॒-
 वा॒स्य॒ हे॒तोः॒ प्र॒जा॒ न॒ प॒रा॒ब॒भू॒वुस्त॒त्प्रा॒णो॒दा॒ना॒भ्या॒मे॒वैत॒त्प्र॒जा॒ भि॒ष॒ज्य॒ति॒ प्रा॒णो॒दा॒-
 नौ॒ प्र॒जा॒सु॒ द॒धा॒ति॒ तस्मा॒दै॒न्द्रा॒ग्नो॒ द्वा॒द॒श॒क॒पा॒लः॒ पु॒रो॒डा॒शो॒ भव॒ति ॥ ८ ॥ उ॒भय॒त्र
 प॒य॒स्ये॒ भव॒तः । प॒य॒सो॒ वै॒ प्र॒जाः॒ स॒म्भ॒व॒न्ति॒ प॒य॒सः॒ स॒म्भू॒ता॒स्त॒द्य॒त॒ ए॒व॒ स॒म्भू॒ता
 य॒तः॒ स॒म्भ॒व॒न्ति॒ त॒त॒ ए॒वैत॒दु॒भय॒तो॒ व॒रु॒ण॒पा॒शात्प्र॒जाः॒ प्र॒मु॒ञ्च॒तीत॒श्चो॒र्धा॒ इ॒तश्चा॒वा॒-
 ची॒स्तस्मा॒दु॒भय॒त्र॒ प॒य॒स्ये॒ भव॒तः ॥ ९ ॥ वा॒रु॒ण्यु॒त्तरा॒ भव॒ति । व॒रु॒णो॒ ह॒ वा॒ऽअ॒स्य
 प्र॒जा॒ अ॒गृ॒ह्णा॒त्त॒त्प्र॒त्य॒क्षं॒ व॒रु॒ण॒पा॒शात्प्र॒जाः॒ प्र॒मु॒ञ्च॒ति॒ मा॒रु॒ती॒ द॒क्षि॒णा॒ज्ञा॒मि॒त॒यि॒ न्वे॒-
 व॒ मा॒रु॒ती॒ भव॒ति॒ ज्ञा॒मि॒ ह॒ कुर्या॒द्य॒दु॒भे॒ वा॒रु॒ण्यौ॒ स्या॒ता॒म॒तो॒ ह॒ वा॒ऽअ॒स्य॒ द॒क्षि॒-
 णा॒तो॒ म॒रु॒तः॒ प्र॒जा॒ अ॒जि॒घा॒ऽसं॒स्ताने॒ते॒न॒ भा॒गे॒ना॒श॒म॒य॒त्त॒स्मा॒न्मा॒रु॒ती॒ द॒क्षि॒णा ॥ १० ॥
 त॒यो॒रु॒भयो॒रे॒व॒ क॒री॒रा॒ण्य॒व॒प॒ति । कं॒ वै॒ प्र॒जा॒प॒तिः॒ प्र॒जा॒भ्यः॒ क॒री॒रै॒र॒कुरु॒त॒ क॒मे॒वै॒-